



Broj:10-05-21788/17
Sarajevo, 08.09.2017. godine

SKUPŠTINA KANTONA SARAJEVO

-Služba za skupštinske poslove-

PREDMET : Odgovor na zastupničku inicijativu

Zastupnica Mersiha Mehmedagić, na 31. Radnoj sjednici Skupštine Kantona Sarajevo, održanoj dana 05.07.2017. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenula je **zastupničku inicijativu “za dosljedno provođenje Zakona o zdravstvenoj zaštiti FBiH, te Odluke o utvrđivanju osnovnog paketa zdravstvenih prava FBiH u pogledu prava trudnica na zdravstveno osiguranje bez obzira na to da li su osigurane ili ne”**.

U vezi sa postavljenom zastupničkom inicijativom dostavljamo slijedeći:

ODGOVOR

U skladu sa članom 12. Zakona o zdravstvenoj zaštiti („Službene novine Federacije BiH“, broj 46/10 i 75/13) utvrđeno je da se društvena briga za zdravlje, pod jednakim uslovima ostvaruje obezbjeđenjem zdravstvene zaštite stanovništvu, kao i grupacijama stanovništva koje su izložene povećanom riziku obolijevanja, a u stavu 9. navodi se zdravstvena zaštita žena u vezi sa planiranjem porodice, kao i u toku trudnoće, porođaja i materinstva nakon porođaja, bez obzira na status zdravstvenog osiguranja žene. Odlukom o utvrđivanju osnovnog paketa zdravstvenih prava („Službene novine Federacije BiH“, broj 21/9) utvrđuje se minimalni obim prava obaveznog zdravstvenog osiguranja koji se obezbjeđuju pod jednakim uvjetima svim osiguranim licima na teritoriji FBiH, a ovom Odlukom utvrđuje se i paket zdravstvenih prava koji se obezbjeđuje za neosigurana lica, državljane Bosne i Hercegovine, sa prebivalištem na teritoriji Federacije. Paketom zdravstvenih prava za neosigurana lica obezbjeđuje se, pored ostalog i zdravstvena zaštita žena u toku trudnoće i poroda, te puerperija i postnatalnih komplikacija do 6 mjeseci nakon poroda a prava za neosigurane osobe, finansiraju se iz sredstava budžeta kantona ili općine prema mjestu zadnjeg prebivališta neosiguranog lica.

Ministarstvo zdravstva Kantona Sarajevo podržava inicijativu da se iz sredstava Budžeta Kantona Sarajevo finansiraju prava na zdravstveno osiguranje za neosigurane trudnice. Napominjemo da to nije bio slučaj do sada i da ovo ministarstvo treba određene ulazne podatke da napravi procjenu potrebnih sredstava, te će pomenutu inicijativu uputiti Vladi i Skupštini Kantona Sarajevo na izjašnjenje.

Također je upućen i zahtjev Zavodu zdravstvenog osiguranja Kantona Sarajevo da po ovom pitanju daju mišljenje o eventualnim mogućnostima finansiranja na teret obaveznog zdravstvenog osiguranja.

MINISTRICA
Zilha Ademaj, dipl.oec.

